

光緒重修安徽通志

重修安徽通志卷二十六

輿地志

山川三

甯國府

陵陽山 府北城內岡巒盤曲爲府之鎮山自敬亭而南三峰
隱起環繞宣城縣治宋郭祥正詩所云陵陽三峰壓千里百尺
危樓勢相倚是也相傳府治晉桓彝時郭璞所營唐林仁肇改
建城郭上有樓卽謝朓北樓李白所稱江城如畫者又太平縣
亦有陵陽山

敬亭山 府北十里

元和郡縣志作十二里

古名昭亭山東臨宛句二水

南俯城園煙市風帆極目如畫卽謝朓賦詩之所唐李白詩相
看雨不厭只有敬亭山山南有廣教寺舊爲黃檗禪師道場唐

丞相裴休建今雙幢院後金雞井是其遺蹟又南麓有井二俱裴休所鑿舊經云裴相井在石盞院水白味甘特異他井其虎窺泉九曲池諸舊蹟皆廢其東北有盤龍山麒麟山東爲甌山峽石山舊按元豐九域志宣城有昭亭山唐以避廟諱改卽敬亭山也方輿紀勝誤分爲二今按李吉甫作志李白作詩皆稱敬亭且唐有敬宗之諱不問諱敬爲昭惟石晉避敬瑋而宣州時屬南唐無緣爲晉避改山名又寔字記亦作敬亭王存元豐時更不諱敬字蓋此山一名昭亭耳

長山 宣城縣東北六十里慈溪出焉又長山在涇縣東南十五里以長三十里故名錦溪出此

行廊山 府西北名勝志云兩峰對峙環抱若廊廡然上有盤石巨人跡白雲池輿地紀勝云梁杯渡禪師道場也西北爲牛頭山又西北爲方山

響山 府東南二里下俯宛溪有響潭府志云唐刺史路應跨

潭爲梁建兩亭於東西崖權德輿爲記李白有登響山詩築土接響山頰臨宛水湄又涇縣西北五里有響山亦曰白額山山腰有石巖南北並有石洞行人過此呼嘯山卽響應

雙羊山 府南三里山有雙石羊故名宋梅聖俞詩風雪雙羊路梅花溪上村卽此稍西爲柏山

玉山 府南府志十里其上多古木蒼藤有惠昭府志寺宋梅

詢讀書處李含章亦嘗隱此府志本名土山明尙書徐元泰改又東十里有碧泉山

嶧山 府南三十里宛水出焉宣城嘉定志上有項王廟甚靈異相傳籍起兵時經此

勞山 府東南四十里大小各一大勞有洞可容數十人宣城嘉定志本草經有勞山韭蓋不由種植而生今山中往往有之

易山 府南三十里唐書文德元年楊行密攻宣城客袁襲勸

其速趨易山堅壁以需又天復二年行密遣兵擊宣州刺史田

頽破之易山即此嘉靖志作蜀山誤謬字記文脊山詳府國縣

巖臺山 府南五十里由橫山趨北形勢巉峭上有平臺下有

石洞乳泉郡守羅汝芳有臺端松抱石巖底塔棲雲之句其北

為花田山

梅隴山 宣城縣西南六十里高十餘里相近曰龍潭山

華陽山 府東南八十里府志作七十里名勝志云山跨宣城涇甯旌

德四縣境其西絕頂曰高峰復出雲表山僧依巖構屋覆以鐵

瓦雜猿猴以居其南為密雲隴嶺縣舊志作梅隴又盤嶺稍西為金牌

嶺二嶺之間僅通一線為涇旌間道府南一阨塞也山之支隴

為大小墨山為洞山

橫山 華陽山北十里其北爲壁田山孔川山東爲魯山又東爲新田山

稽亭山 府東南六十里輿地紀勝宣城稽亭山行人悅其幽

曠往往稽田不遽去故名有仙人巖三天洞及壽昌禪院故隋

扶風禪師道場也祥符經以爲古仙人居處山名亦見九域志

柏槻山 府東南七十里府志山之陽卽文脊山也詳甯國縣峯攢

谿迴與華陽山連屬昔山僧以柏皮爲槻引水入廚因名其最

勝者爲引虹橋江南通志作飛橋凌空構險跨岫爲梁其北爲梅村山

西爲歙溪山歙溪山之東連岡迤邐沿河而走遙屬於水東諸

山其西北查樹嶺自甯國至涇道此

水東山 府東南七十里大河東南有市有渡與水西山分峙

折山 府東南三十里山勢旋折故名相傳奚氏女浣紗於此

仙去

麻姑山 府東三十里名勝志麻姑修煉之所有仙壇丹竈劍池石棋枰釣魚臺天遊亭諸蹟其東有靈馬山西有碧泉山

雲山 府東北七十里下有金牛洞詳見古蹟相近有藏書洞其北

曰蔣山下瞰固城湖爲高淳南境

漢山 涇縣東三里突然孤秀下有深潭

水西山 涇縣西五里下臨賞溪循溪而入最幽勝舊建寶勝

崇慶白雲三寺浮屠對峙樓閣參差江南通志云唐宣宗小字風光嘗棲此有詩云朝廷

若問江南事報到風光在水西晉葛洪劉遺民唐李白杜牧皆嘗遊憩相接者

有白雲山下有白雲潭

石柱山 涇縣西南九十里接池州府青陽縣界合溪出此其南與石埭陵陽山相望又石柱山在旌德縣西六十里有巨石

雙峙如柱梁末程靈洗討侯景誓眾於此

湖山 涇縣西五里高三百六十丈上有小湖故名又西五里曰楓阮山亦名柏林山

盤阮山 涇縣西二十里以崖谷宛轉而名土人嘗陶冶其地新阮澗出此又相近有石牌山四面皆美石又西五里曰後山賞溪徑其下西接大小嶺稍北曰湖嶺山高四百餘丈絕頂可以望江路通櫟山

大甯山 涇縣西三十里唐猷州城在其下今大甯寺其地也上有伏虎石

藍山 涇縣西六十里府志作南五十里李白詩藍岑聳天壁突兀如

鯨額是也相近有郭山望江山望江之西有石磯洪頭山

五城山 涇縣西七十里五峰環列如城郭然

大城山 涇縣西七十五里與青陽接界方輿紀勝下有潮泉
郭璞所鑿以應江湖歲旱禱之潮應則雨否則旱又五里有碧
山唐李白棲此

寶峰山 涇縣西八十里石巖高數十尋有人物鳥獸之狀若
雕繪者山背有寶窰然出寶而升則平遠空曠其下有瀑布飛
流千尺其對峙者曰銅峰山

石碧山 涇縣西北石壁四合如屋李白詩石碧望松寮宛然
在碧霄

魚磨山 涇縣西北七十五山下有泉曰涌泉或云潛通江
海嘗有魚隨泉而上

仙洞山 涇縣西北八十里俗名和尚山山頂有二洞甚深洞
僅三尺餘磬折可入內有煉丹臺藥丸嘗滿見者隨取隨盈樵

夫深入或聞絲竹棋聲

幙山 涇縣北五里隋左難當與輔公祏拒戰於此軍幙四周因名北爲桑阬山東爲漢山桐山

琴高山 涇縣東北二十里名勝志山半有隱雨巖又有洞傳爲漢處士琴高隱處其隔溪對峙者有巖龕洞山極幽邃

柏山 涇縣東北二十五里

岳山 涇縣東北三十里其頂有池冬夏不竭旁有朝陽洞遙峯嶺

金壺山 涇縣東二十五里石壁峭拔五十丈有平臺

北衙山 涇縣東三十里兩山相並環以清溪相近有巧阬山山多怪石幕溪出此又東十里曰慈阬山阬口有觀音洞烏溪出此

眉山 涇縣東六十里下有眉臺眉池相近爲貂蟬山

百湖山 涇縣東六十五里與徽州簪嶺相接形如舞袖溪流繞之百折而出

四角山 涇縣東七十里壁立萬仞絕頂可容千餘人上有井泉

黃幕山 涇縣東南十里高百餘丈與縣治對旁挾兩山左曰屏黃山亦名桂嶺右曰寨山皆山之分脈以爲縣基

硃砂山 涇縣東南五十里名勝志蟻巖險峻俯瞰長流有石赤如日故一名丹山相傳石豔發則有災異先是絕壁不通宋尙書郭燮鑿道跨一橋以濟相對者曰石鼓山有飛泉迸湍其聲如鼓又南爲皇托山山下有陽和洞洗刀池相傳晉桓彝磨劍於此

黃峴山 涇縣東南六十里高五百丈羣巒列嶂狀若蓮花爲縣治之祖山丹溪之水出焉旁有嶺曰百花尖筆尖山其南曰涇溪山產茶

承流山 涇縣南四十里九峯羅列與縣治相拱揖奇秀甲於一邑宋許國公吳潛讀書於此又有許寶二真人遺跡山之東有東流山山之西有赤土洞

齊雲山 涇縣南四十里與承流並峙高數千丈山顛平可數十畝產茶極佳

合山 涇縣南五十里兩峯尖秀巔有平地方圓十餘丈花林溪出此

黃象山 涇縣南九十里府志作七十里碎石五色返照有光舊有寶

光菴昔人有詩云猿抱子歸青嶂外鳥銜花落碧巖前

工山 南陵縣西三十里高數千丈盤踞七十里縣鎮山也宋孝子李經廬墓於山麓其西峯下有龍湫北有石岡迤邐而東爲石湖山黃連山同山

朗陵山 南陵縣西工山南晉朗陵侯何琦嘗隱此辟穀煉丹山南有丹井

射的山 南陵縣西北三十里竈宇記山有玉在石壁內取之者遇風雨而止人望之如射侯因名

水龍山 南陵縣西北六十里有泉出山巔石巖噴高五尺許濤涌而下田畝賴以灌溉卽漳水之源也

齊頭山 南陵縣西南七十五里接池州府青陽縣界有泉下注爲煨湖爲雙龍井

呂山 南陵縣南六十里有石室其南爲石竇有泉涌出淮水

發源於此又南十里爲蒲山

格裏山 南陵縣南七十五里從兩小徑入曰大格口小格口
兩山夾行十五里不斷如畫格然故名中有腴田深淵人煙相
接

籍山 南陵縣城中東北隅

方輿紀勝
作縣西

由工山蜿蜒百折至此

陂陀聯絡爲邑之鎮

箬帽山

南陵縣東南十里有青墩頭可以眺遠其支有鷺

公凸下臨石潭曰海子溝有龍藏焉時或騰躍

神龍山

南陵縣東二十三里山從分界山來逶迤陂陀卓起

一峰如游龍昂首狀故名上有睢陽廟

妙山

甯國縣東五里下有妙潭

蔣山

甯國縣東三十里山頂有田泉流不絕下有蒼阮潭山

南有董嶺嶺有關路通廣德州及浙江孝豐縣

銀山 甯國縣東六十里舊有銀冶久廢

駐蹕山 甯國縣南一里府志云明太祖嘗駐蹕於此故名又

南四里曰雞山一名鳳山爲邑之鎮

陽濠山 甯國縣南三十里最高爲邑南障絕頂有龍湫噴涌而出遙望如練相近有琴山又南二十里有屏山

象鼻山 甯國縣南六十里有巖曰寶陀飛泉自頂投空而下

黃顏山 甯國縣南八十里壁徑斗峭懸虛以登山頂有石室

了髻山 甯國縣南八十五里南唐時嘗作烽燧樓於其上外

有仙燕洞舊時鄉民避兵之所

北姑山 甯國縣東南九十里脈自天目山經孔夫關委蛇至

此忽然峭拔有揚龍巖深邃容百餘人下有泉流飛瀉

湯公山 甯國縣東南一百二十里一名商山其右爲馬蹠嶺路通浙江昌化縣左有銅嶺關路通於潛縣

千頃山 甯國縣南百三十里與浙江昌化縣接界上有池其大千頃其流南入昌化北注甯國

籠叢山 甯國縣西南百五十里南屬績溪界

互詳徽州府

峻壁崇

關爲宣歙阨塞官兵常駐此防戍焉又縣西八十里有塵嶺山亦稱險阨與籠叢相埒唐汪華駐兵處有藏馬洞卓戈泉

獨山 甯國縣西五里爲縣脈來龍東散入平野爲縣治又西三里曰嵩山環望如筆大黃小黃二山夾峙其旁下臨西津

石鼓山 甯國縣西九十里一名擊鼓山簷宇記云以其飛泉遄迅如擊鼓九域志上有石鼓天雨則鳴

紫山 甯國縣西百里高數百仞周二百里中有龍池龍井石

塔石鼓諸勝山北有前隄嶺斌阮

蜀洪山 甯國縣西南一百里其徑僻險胡樂巡司置於此有三曲瀑布泉出焉

石鏡山 甯國縣西百一十里有石如鏡照之形多變異有龍巖瀑布

文脊山 甯國縣西北三十里高數千丈周三百餘里西接涇旌諸山北接宣城之柏枧山峰巒攢秀巖洞盤旋郡雄鎮也何法盛晉中興書云有瞿硎先生住文脊山卽此寔宇記一名曷山

山門山 文脊東南石壁峭立劃然中開儼若城闔晉瞿硎先生隱此中有紫雲夕陽朝陽明心碧雲漣漪六洞前有瞿硎樹爲先生手植一本三花卽桓溫命伏滔作贊處

附

國朝施閏章山門遊記

甯都而萬山其礪礪而給研者往往數為

門巖石環互中豁如甕城高曠數丈其西為文春峯中多平野
山為邪郭其前後高下以洞名者曰朝陽曰紫雲曰連洞曰批
把曰龍潭相距不一里許朝陽者南向爽塏戶牖三面蓋瞿硎
先生披鹿裘坐石室處東百餘步從怪石中側墜下者紫雲也
官深而明時出雲氣自西北穿洞谷深黑可三百步漸騰即流
泉僧炬而導客南出於山之尻所謂連洞者也左陟山椒右陷
而中虛崖罅有批把樹洞以是名其稍遠者為龍潭大旱不涸
龍窟其中嘉靖間土人竭水灌田雷奮龍見日為晝暝其水東
北逕連洞台流匯於港口其餘如寶如井多深隘不可入春夏
水漲灌輪萬竅眾山怒號若考鐘鼓始入門曰靈巖寺有古木
數十圍人稱瞿硎樹其新闢而菴者在腹曰鑿鑿在背曰竹影
皆隨山架宇倚石為壁曲榭層樓人蹈空際而所謂鑿鑿者又
一小石門中有椰子峯倚天昂首還顧崇巖萬怪竦疊余少而
聞之將老而遊春日既佳歡興殫洽樂其洞穴之幽而多軒豁
通朗給人遊日類有道而能容者時無瞿硎先生石室闌然然
其人遐迹韜光不與人接而桓溫造訪物色使伏滔作贊溫故
自可哉千百世下求斯人之車塵馬跡又可得哉

鴉山 甯國縣西北三十里接廣德界竄宇記山出茶尤為時

貴茶經云味與蘄州同梅聖俞所謂茶味鴉山佳者是也

冷渡山 甯國縣東九十里山有五峯東曰桂山西曰金字南

曰青紅北曰周壁東北曰黃封連縣蜿蜒經數百里

東山 甯國縣東南五十里山南谿峒偏隘至此豁然開朗下

有渡曰石口卽東谿所經也

關口山 甯國縣東南六十里又名獅象山兩峯錯峙若門其

中徑隘溪深巖坪泉田多油漆紙皮之利坪盡山高有懸崖隱

洞飛瀑龍湫

天目山 甯國縣東南百五十里江南通志山本浙西巨鎮然

邑中諸山皆其支脈實有藩屏之勢今仍之

棲真山 旌德縣西五里寔宇記引神仙傳昔竇子明爲陵陽

令三年避劉聰亂棄官尋山採藥結廬於此後仙去

今按寔宇記旌德縣

棲真山在縣西五里昔竇子明宰邑於池州石埭上昇智居此山壇跡存焉云云無引神仙傳文其宣城縣下引列仙傳石埭

縣下引與
地志又別

正山 旌德縣西三十里府志作峭峻特出諺云正山巍我接

星斗分列岡巒九十九上有仙人臺響石亭玉井東有郭公巖

巖傍刻珍珠泉三字南唐將方道項洪銳嘗屯兵於此相近者

爲柵山其南有大小幕山

石柱山 旌德縣西六十里縣志作雙石挺立高數丈有巨石

承之上有豹子尖梁程靈洗討侯景立幟於此築敵血臺又嘗

抽矢射山石摧其一角因名之曰射的山互見南陵

天井山 旌德縣西北三十里山有兩竇飛泉出焉俗呼牛鼻

水下有龍潭

石壁山 旌德縣北二十五里一名文山兩崖對峙一水中流

最稱阨塞舊路躡懸崖上行旅恐慄胡安定周竹陂嘗作歌紀

其險明嘉靖閒通判李默緣溪鑿石成徑始爲通塗

龍首山 旌德縣北四十里西北有龍潭徽水經其下與涇邑接境

大鼃山 旌德縣東十五里有瀑布泉噴流如練

鳧山 旌德縣東二十里名勝志相傳竇子明旣仙去其二女亦化爲青鳧上昇故名其陽有玉壺山山阿有龍潭

梓山 旌德縣東南二里近俯城闔遠凌岫壑爲一邑雄覽旁有奇石石上有桃樹不花而實

蛟山 旌德縣西南五十里山形蟠虯若騰蛟後有洞徑險難入其中平曠可居又西十里有九峯山

古塘山 旌德縣南十五里高三十五仞周十五里東與績溪縣接界

黃山 太平縣南三十里方輿紀勝同府志作四十里 山有三十六峯屬太

平者八翠微天都望仙九龍聖泉疊嶂仙人芙蓉也互詳歙州府

霧山 太平縣西十五里高五百餘仞東接龍門山西抵三折

嶺林木陰翳爲東鄉勝境

古山 太平縣西六十里穰溪河東下有濬潭山背灣環插潭

上有石如龜浮其中

陵陽山 太平縣西六十里西屬石埭北界涇邑一名三台山

有竇子明遺跡下有二門六刺灘李白渡此有詩其南爲真金

山東爲密崖山互詳池州府

密崖山 太平縣西六十里岡連互二十里至此兩崖對峙下

瞰深溪徑道險絕一名密王關

仙都山 太平縣西六十里一名遊仙江南通志作遊山 方輿紀勝俗

傳左難當嘗居此

龍門山 太平縣西北四十里巖壁峭拔中有石竇如門產茶及諸藥草

尙書山 太平縣西南二十里相傳隋末有尙書胡裕居此

黃高峯 旌德縣西南四十里兩峯對峙獨秀雲表有登仙橋獅子巖硃砂石壁相傳有黃高公者隱此

通靈峯 甯國縣北二十五里四山環抱獨缺其北巖頂有龍湫又有雞冠石

巖礧洞 涇縣北二十五里與琴高山隔溪相對廣袤數丈高三丈如螺旋頂不柱而屋洞後有一洞高丈餘深十丈東西可往來

桓公嶺 涇縣烏溪嶺東茹麻嶺北道通旌德太平稱險阨卽

晉內史桓彝戰死處壘塹尙存

黃沙嶺 涇縣東六十里廣數十里高十餘丈下有水流經崑山入丁溪

雙嶺 涇縣東七十五里二嶺相連五代時斷岡成路

銅嶺 涇縣南五十里其山甚高巔有小徑

麻嶺 涇縣南七十里爲旌德太平往來通道

鷺嶺 南陵縣南二十里

長洪嶺 甯國縣東三十里有關通廣德州

楓樹嶺 甯國縣廬嶺北二十里與獨蛇伏嶺分水叢山四關皆茂密險隘之地明嘉靖中建哨臺其上又北曰雲門山蟠龍山

千秋嶺 甯國縣東百五十里岡巒纏屬谿谷陰深路通浙江

於潛楊吳招討使李濤攻吳越取道於此宋南渡後嘗列關防
戍唐羅隱送梅處士有回望千秋嶺上雲之句土人以雲氣占
晴雨

大嶺 旌德縣西二十里諸嶺之最高者西鄉孔道又黃華嶺
在縣西六十里與太平縣接界

春嶺 旌德縣北三十里白鳧山華容峯橫亘二十里縣志作二十五
里南障縣治北界涇邑土人譌爲蠶嶺

南長嶺 旌德縣南一里爲徽甯二府孔道

箬嶺 旌德縣西南八十里高五百仞跨旌太之間爲新安閒
道相傳隋汪華所開南隸歙縣互見徽州府

大鼇嶺 太平縣西南三十里高十五里形若巨鼇灑溪出焉
湯嶺 太平縣西南六十里懸崖峭壁深窅幽絕

三折嶺 太平縣西二十里高峻曲折上有石洞下有潭曰香潭

龍門嶺 太平縣西北十五里上下十餘里勢甚高峻

鐵甲嶺 太平縣西二十三里峭壁下臨大河中一綫通往來行者足懾

三門嶺 太平縣北十里三方阻絕中通一徑縣治據其陽

青弋江 府西六十里古名冷水說文冷水出宛陵縣西北入

江元和郡縣志青弋水在宣州西九十九里其水發源黃山會

石埭太平旌德諸水下流漸廣遂爲通津北至蕪湖入江

府按青弋之名始見晉書
鍾雅傳蓋漢以後所改

九曲河 府城東源出嶧山受陸家潭水西北流入宛溪

三汊河 府治東宛句二溪至此合流東岸爲新城西岸爲館

驛李白有題宛溪館詩

灣沚河 府治北有渡有鎮今爲鹽埠北出楊青口合黃池流入於江

蒲橋河 南陵縣東二十里上自麻園河來下流蘆港口與西河口水合中有都堂壩雙澗虎狼澗又胡家橋溪在縣東二十里又神龍山溪在縣東南二十三里皆入蒲橋河

下洋河 旌德縣西北四十五里源出箬嶺北諸水所會北流入太平縣麻川

麻川 太平縣東南三里源出黃山之麓由湯泉至麻陂潭又名白虎潭受旌德諸水逕縣治東門會富溪梅溪西北下焦灘至麻口逕舒溪蟠石赤溪諸水延袤八十里出小河入於涇南湖 府東北四十里南曰南埭北曰北埭總稱南湖周廣四

十餘里其東北有綏溪一名白沙溪納廣德建平之水入於南湖府治以東諸川流俱歸焉其水西出渾水港達於大河有塞口稻堆二山對峙

五湖 元和志在甯國縣東北四里明統志源出千秋嶺北流入甯國溪至宣城入河

宛溪 府城東門外源出新田山

一統志云源出東南嶧山

納諸水而來委

蛇數十里故曰宛溪上下兩橋上曰鳳皇下曰濟川並跨溪上唐李白詩兩水夾明鏡雙橋落彩虹兩水謂宛句二溪也

句溪 府東三里溪流回曲形如句字一名東溪源出甯國縣

籠叢山北流爲水東水西爲後潭又受華陽諸水又西爲陸家潭爲東溪至此始名句溪李白詩洗心句溪月美其清也

華陽溪 府東南七十里源出華陽山隨境著名東北流爲魯

溪下入句溪

雙溪 宣城縣東十里自句溪經土山北分流五里爲雙溪又西北流十七里入南湖口又西十里出油榨溝仍合宛溪

青溪 府南一里相傳寶子明釣白龍處李白有詩

龍溪 府北七十里水陽鎮東西兩岸宋紹定中建浮橋今廢爲渡有水兌倉義倉東岸水碧橋與高淳接界

慈溪 府東北合高淳水至此入河由牛兒港東通五堰往東壩者由此

白洋溪 宣城縣西南五十里源出金牌嶺之北至鳳皇山合界溪又經曷山天門山西又北至寒亭經行廊山入青弋江又高橋水亦在縣西南源自梅隴西流出龍潭經高橋與柿木溪合又十五里入青弋江

賞溪 涇縣西南一里涇水流至縣西爲賞溪北入於青弋江
賞溪之西有所謂新河者宋崇甯中縣尉劉誼所開以溪流東
徙爲民田害欲挽之使西也而卒無成效又縣東有烏溪縣南
有楓村溪俱合於此

方村溪 涇縣南六十里源出石井北流經安吳渡至落星潭
入賞溪又花林溪在縣南三十五里源出合山北經赤土山入
賞溪

烏溪 涇縣東三十五里源出慈阮入賞溪又南香澗在縣東
五十里源出黃沙嶺西入烏溪

幙溪 涇縣東北二里源出巧阮西北流至幙山下入賞溪又
錦溪在縣東南五里源出長山北流入幙溪

麻溪 涇縣西南百里卽太平之麻口下流也山環水會舟行

勝境唐杜荀鶴詩麻溪清澈底是也距溪三里有澀灘下卽九里潭又下爲羅浮潭

琴溪 涇縣東北二十里源自甯國界歷石門至琴高山過巖確寺與賞溪合世傳琴高釣魚於此今三月三日出小魚寸許名琴魚又名藥渣魚云琴高丹滓所化者又縣東六十里有曹溪縣東南六十里有丁溪其水皆入琴溪

藤溪 涇縣東南八十里桐嶺之南源出徽嶺過旌德三溪至縣界納諸溪澗之水北入巖潭與賞溪合縣境東南之水此爲最大

楓村溪 涇縣南三十五里源出旌德縣箬嶺北流入藤溪又小溪在縣東南六十里亦入藤溪

東溪 甯國縣東五里源出天目山北流過落花溪又受孔關

千秋嶺湯公山陳村博里溪塘千頃山洋丁源諸水是名杭水
又北爲東溪至五河渡與西溪合流入於宛溪

西溪 甯國縣西五里卽西津渡源出績溪籠叢山北流逕叢
山關過橫溪謂之徽水西南諸水多入焉北受滑渡環川葛村
龍潭諸水縣西川流盡匯於此是爲西溪又北與東溪合

楊下溪 一名東溪在旌德縣東源出徽州府績溪縣之籠叢
山西北流入縣界合霞溪龍頭二水至城北里許合徽水

鳧溪 旌德縣東北受鳧山西南之水流入於徽水又有楊村
溪受鳧山以北春嶺以南之水與大河合

抱麟溪 旌德縣西源出黃華嶺東流與陶環溪豐溪合是爲
三溪又至石壁西入於徽水其陶環溪在縣西三十里源出黃
高峯亦名玉溪北流入抱麟溪又豐溪源出縣西南九峯山之

西東北流合陶環溪

戈溪 一名渦溪在旌德縣西北四十五里源出石壁山其流隨山旋轉下多險石至涇界入藤溪

梅溪 旌德縣十一都大嶺以東剝嶺以西諸山溪水俱會於黃沙澱入甯國縣又有雪溪在十都亦東入甯國縣

赤溪 太平縣西北源出青陽縣界東北流入舒溪又青山溪源出青陽縣九華山東流經涇縣西南界又東南入縣界入舒溪

富溪 太平縣南源出霧山東流達縣治西南又東會麻川又梅溪在縣北源出三門嶺東南流入麻川

舒溪 太平縣西六十里源出歙縣逕石埭東北至涇陽受雙溪二溪水東北合麻川入涇縣界爲賞溪上源水淨沙平焦竝

所謂十里無波也

灤溪 太平縣西六十里亦名白潑其源有二一出黃山九龍泉一出大鼇嶺下東北流入舒溪又漣溪源出黃山青龍潭北入舒溪又礮石水一名蟠溪在縣西五十四里上游有礮石高丈餘特立水中俗名獨立灘北流入舒溪

三港 南陵縣治前源出西南諸山而襟帶於縣城中者爲中港出工山朗陵之陽流於縣西者爲西港合白石灘諸水而繞於縣後者爲後港皆合於漳淮下流

橫洲橋水 府南十里源出橫山之麓北逕巖臺又歷花田西山桐子岡會於此橋入宛溪宋郡守張果抱民籍入水死處涇水 涇縣南合舒溪麻溪徽水三大水源出石埭太平旌德至縣治合流而北環抱城外縣以此得名

淮水 南陵縣南源自呂山涌珠泉與漳水合流曰合河又北爲澄清河受鷲嶺水繞縣門爲東溪一名浣溪又北受三港諸水歷縣河口受蒲橋水亦名小淮河

漳水 南陵縣南源自縣西南水龍洞流至澄清河與淮水合曲折清澈

仙人洞水 甯國縣西南源出浙江昌化縣之仙人洞至橫溪入徽水又篁嶺水源出旌德縣篁嶺山之陽轉橫溪入徽水又滑渡水源出旌德縣鳧山葛村水源出涇縣寄馬嶺龍潭水源出文春山麓石池胡村水源出廣德州皆入徽水

千秋嶺水 甯國縣東南源出浙江於潛縣之繚嶺東入杭水又湯公山水源出湯公山麓千頃山水源出千頃山麓洋丁源水源出浙江昌化縣之洋丁山麓皆入杭水

徽水 旌德縣北源出績溪徽嶺之陰北流受清潭水至縣東北霞溪東溪入焉又西北流與抱麟溪玉溪合是爲三溪豐溪水亦入焉北至龍首山入於涇

黃池 府北百二十里一名玉溪會府治東南之水以出大江南屬宛溪北隸姑孰

響潭 府治響山下潭水澄渟丹崖下瞰舟行與山谷聲響相答

敬亭潭 府治盤龍山下其深莫測歲旱於此挹水以雪

巖潭 涇縣南十里受石埭旌太諸水合賞藤二溪翠壁澄淵山水清妙

桃花潭 涇縣西南九域志唐李白與汪倫萬巨遊於此潭上有釣隱臺彩虹岡壘玉墩皆當時觴咏之所白詩所謂桃花潭

水深千尺者是也

按此潭安慶府山川古蹟俱有

落星潭

涇縣西五十里藍山下相傳晉時漁者見星隕潭中

故名

奎潭

南陵縣東北六十五里凡九十九曲三關六鎖中有六

墩類奎星故名饒魚鰕菱芡

眾尋潭

甯國縣西三十里潭際石阜壁立下有龍湫深不可

測夾岸桃花十數里俗稱桃源

石湖潭

甯國縣東南五十里妙山下懸崖瀑布高十餘丈下

注潭中其水流涇縣東妙山下爲妙灘又至縣東北洪公山下

爲洪公潭又至縣北二十里爲相府潭又西北十里爲眾尋潭

又西爲石馬潭

清潭

旌德縣西南十里石山中有窟若壩形約寬五丈水從

上噴出溉田千畝東流入徽水

湖深潭 太平縣西三十里高峯聳峙碧水淵渟如湖之深故名又金鐘潭在縣西北爲婁澗赤舒四水所匯

染浦 南陵縣東北四十里一名白家湖廣千餘畝中多芙蓉菱芡吳赤烏元年建浮城梵刹於中風景爲勝

南香澗 涇縣東五十里源出黃沙嶺西會羅溪水歷茶溪會周公阮後村諸水合於烏溪

雙澗 涇縣西三十里源出縣西西公山下合流北入南陵縣界

夏浦澗 涇縣西源出青陽縣界東流經藍山至落星潭入賞溪

洗馬澗 涇縣東源出崑山合諸溪西流逕巖礨至赤灘鎮入

賞溪

涇灘 涇縣西九十五里怪石峻列如虎伏龍蟠唐李白詩涇灘鳴嘈嘈兩山走猿猱卽此

九曲池 宣城縣北三里唐裴休知宣城縣時植蓮於內爲游觀所

涼泉 宣城縣南三十里亦名寒泉

銅井 府城內陵陽陂下汲之聲響如雷

葛洪井 涇縣西寶勝寺側相傳此井乃洪鍊丹取汲之處

重修安徽通志卷二十七

輿地志

山川四

池州府

齊山 府南三里有峯十餘其高齊等故名周十二里巖洞三十有二泉大小各十一亭臺二十餘其西有湖曰齊山湖中有

小山曰珠兒山唐杜牧嘗登高於此有詩方輿勝覽謂山因唐

刺史齊映有善政得名考唐書齊映未刺池州其弟照為池州

刺史蓋因之而譌也附明劉岐齊山記近名山而遊者陟之賦

一勝又止矣有於齊而剖其疑者乎有於齊而補其闕者乎李太白秋浦歌秋浦千重嶺水車嶺最奇或以水車當陽春似矣

郭功甫之詩又曰萬丈水車嶺夫陽春未可云萬丈也然牧之

南亭詩曰二嶺桃花紅錦鞍則不獨一陽春嶺矣以太白久於

秋浦遊江祖遊白奇遊桃波遊大樓遊鯨湖道必出齊山齊山

湖前曰平天阪太白歌已及之未有咫尺翠微而不知眺詠者

水車之爲陽春似足信耳楊廷秀詩曰謫仙狂飲顛吟寺小杜
倡情醉上樓齊山爲惑按清溪詞曰望翠微分古招提非齊山寺而
而不遊齊山爲惑按清溪詞曰望翠微分古招提非齊山寺而
何或以沈叔達謫池州卜居齊山曰雲巢今不知古屋所在以
形勝揣之其近書院乎蓋延慶寺在前舍書院無平衍地矣孔
義南齊山寺詩曰飛甍仍在最高顛則山椒之有居蘇可知矣
今延慶之阻漸入原隰難云最高也又曰太子池塘煙漫漫池
部自昭明而外別無太子故實今齊山之池塘何有乎齊山湖
之前有平天湖朱子九日登天湖用杜牧齊山登高分韻人固
以爲平天但於登字非宜然其句全用杜語又朱子別賦水調
歌頭亦然安得謂非齊山乎張敬夫登齊山曰憶行西湖岸亦
復多欹峯頗恨人力勝刻畫時見侵誰知醜石面乃亦變孔王
何如猿莽間屹立長森森天然抱幽僻妙質逢賞音此直似齊
山勝西湖矣南軒之意感歎臨安痛心朝士借西湖以寓其刺
譏然雖湖多而天然少亦武林之寶錄乎謂齊山爲幽獨亦指
其微處江滋而言埒視西湖欣賞不謬讀書而不以意逆可乎
人言齊山之草不宜芻牧故本朝於池州不設衙所果爾則齊
山翠微寨馬軍寨何以稱焉此皆齊志之疑也貴池立州治始
於刺史李芄芄刻齊志於有待嚴嚴不可考而殘文之傳者無
能表章其失一李方元刺池搜剔齊山之勝池人知有齊映杜
牧而不知方元其失二紫微刺池齊山客也張承吉張喬齊山
主人也和登高韻者不勝數和南亭僧舍韻者未之前聞忘其
主人其失三岳忠武駐節廬山往來岳鄂數蒞池州又刻石蒼
玉之閒而齊山不爲特祠其失四政和申張先生修長生術結

廬齊山尸解去而志不載其丹房其失五張國安詩曰水石嵌空二百巖今名於志者巖僅十有一其失六蘇元鼎詩曰巖根堆雁塔當日若有浮圖又曰碑瑛黃閣相齊映若有詞章今並未從辨證其失七楊廷秀詩曰樓臺玉殿雲中見紺字之盛髣髴不可徵今臺榭俱蕪其失八陳鴻隨碣林澤之題名卦著二刻邇不可得見其失九池口陳應臺敬宗黃瀾伯觀讀書翠微未聞唱和其失十山有泉有井不其疏濬其失十一此皆齊志之闕也鼓生長於茲年踰六十時時策杖齊山莫敢決其疑亦莫能縫其缺記以質焉

太樸山 府南二十里俗名太婆山宋周必大以爲不典易之其山內聯六峯外託九華

萬羅山 府南二十里與江祖石隔溪相對上有羅人石李白秋浦歌羅人橫鳥道江祖出魚梁是也

六峯山 府南二十里六峯競秀望之如列屏

大樓山 府南四十里李白秋浦歌行上東大樓卽此又東南數里曰古仙山有古仙洞

三十六山 府南七十里雲峯六六上插晴空鳥道而上曰麻

塘嶺

七井山 府南八十里與石埭分界

縣志作石埭西七十里

上列七峯涌

泉七穴其麓盤迴數十里遙接九華

盧子庫山 府南九十里一名伏龍巖世傳神龍化人於巖前未全而止又有龍池雲禱常應相近爲魁山

大雄山 貴池縣西南三十里一名感鍾山羣峯排戟雄峙一隅

江祖山 貴池縣西南二十五里有一石突然出水際其高數丈上有仙人蹟名曰江祖石其下有江祖潭

白面山 府西六十里名勝志雲崖拱北皎若傅粉下有白面渡匯於秋浦

南泉山 府西南七十里府志作八十里有泉不竭唐貞元中創寺於

山陽太和元年賜額南泉承恩寺

郎山 府西南七十里下有玉鏡潭水經注貴池水出縣南郎

山是也相近有姥山一作舞山有宋晉安王子勛將陶亮砦陟

互詳太平府

烏石山 府西南七十里與姥山相對唐廣德初宣饒賊方清

陳莊據此刺史李芄討平之

黃龍山 貴池縣北五里瀕大江有望山亭相近有鎮山

百牙山 貴池縣東北半里府治主山也東麓旋繞曲水曰落

蓬灣相傳貨舶湊集牙行百輩登隴平直故名

秀山 府西南八十里疊嶂如屏寰宇記貴池水出秀山石埭

梁山水經注梁昭明太子冤服陵在焉宋陸游入蜀記秀山梁

昭明墓拱木森然也相近曰雙溪山秀峯山

穿山 貴池縣西南九十里穿山洞相近曰雙溪山

城山 貴池縣西南一百四十里明初羅友賢砦陞在焉

按府志城

山有二一在銅陵縣東

石門山 府南九十里其上有青尖唐高齊隱居之地春臺巖

卽霽所築桃花隄本霽與李白同遊處也存石刻大小十六字

石橋山 府西九十里西峯山之東兩峯相對一石跨之若梁

梁下奔泉泐石從穿山洞而出

魚載山 府西南百五十里山有懸泉從石壁斷崖三級而下

注於潭中上有大石倚附飛流狀如巨魚一名鯉魚山相近者

曰西巖山

黃山 府西南百八十里上有三十六垣與歙之黃山三十六

峯相峙其最高者古牛岡可望匡廬有水曰大剡溪亦曰大演

直下高田至香口而止

按府志有兩黃山一在城南九十里

靈山 府西南二百里黃山之支也其巔有田百畝山泉四時不竭

古源山 貴池縣西南二百二十里一名源頭山有恭川水出

此

按縣西南百八十里爲建德縣二百字疑誤

專景山 貴池縣西二十五里俗名輒井山

圭峯山 貴池縣西二十五里瀕後湖

孝娥山 府東北二十里瀕江有孝娥廟

碧山 府東十里瀕湖蒼崖翠巘倒影沈碧稍南曰石壁山以

形如削壁也又東五里曰江通山上有泉與江通故名

鐵券山 貴池縣東六十里相傳黃巢就降受券於此

舊按唐書巢會

請天平軍乞降、
無於此受券事

黃老山 貴池縣東南三十五里唐時康駢隱居於此

渚湖山 府東南四十里絕頂有田淵泉旁出澄沚如練蒹葭
魚鷺若渚湖然故田不憂旱

五山 府東南六十里府志作六十五里孤峯獨出其下散爲五支聯

絡相屬實爲羣山之長

青山 青陽縣北五里縣以此得名

峽山 青陽縣北十里兩山夾河對峙縣之水口山也

石壁山 青陽縣東北三十里外削中空山半有觀音洞下有

泉時變清濁可占晴雨相近曰塞山與南陵縣接界下有黃荊

泉

靈鶴山 青陽縣西南十里舊有白鶴真人祠崇聖寺逍遙臺

夏玉翠瀑二亭

五溪山 青陽縣西二十里眾流環繞與九華對峙其水會於龍池入江

曹山 青陽縣西四十里上有三角泉

眞武山 青陽縣西四十里龜蛇二山在其前

九華山 青陽縣西南十里竇宇記山有九峯記文高一千丈止此

周圍二百里舊名九子山顧野王輿地志九子山千仞壁立唐李白陋其名以山有九峯如蓮花易名九華南唐宋齊邱致政後居此自號九峯先生九華歲時記山氣青白如雲非雲瀰漫而起如平水橫諸嶺之半青峯在其上謂之雲海四月猶有冰十月必雪劉禹錫嘗謂太華之外無奇女几荆山之外無秀及登九華而後悔其失言也峯之得名者四十有八巖十四洞五

嶺十一泉十九源二其餘臺石池澗溪潭之屬以奇勝名者不

一康熙四十四年

聖祖仁皇帝南巡遣使至山齋

御書九華聖境四大字懸化城寺乾隆三十一年

高宗純皇帝復

賜芬陲普教扁額

附唐李白九華山聯句序

青陽縣南有九子山山高

按圖史名無所依據太史公南遊略而不書事不經故老之口
復闕名賢之紀雖靈仙往復而賦詠罕聞予乃削其舊號加以
九華之目時訪道江漢憩於夏侯邈之堂循簷明王守仁九華
岸幘坐眺松雲因與二三子聯句傳之將來
山賦循長江而南下指青陽而幽討啟鴻濛之神秀發九華之
蹟之所未白詩靈於坤軸孰情奇於大造遷史缺而弗錄豈足
鬼極遐搜而歷考涉五溪而徑入宿無相之竊窺訪王生於遠
谷掬金沙之清潦凌風雨乎半霄登望江而遠眺步千仞之蒼
壁俯龍池於深窅扣雲門而望天柱列仙舞於晴昊忽雙峯之
露見蓮花之孤標扣雲門而望天柱列仙舞於晴昊忽雙峯之
關門真人駕陽垂而獨躋翠蓋平臨乎石照綺霞掩映乎天姥

二神升於翠微九子隣於積石炎嶽起於玉饌爛石碑之文藻
回澄秋於枕月建少微之星旄覆瓶承商翠之餘歷展旗立雲
外之旌蘇下安禪而步道遙覽雙泉於松杪踰西洪而憩黃石
懸萬丈之瀨源瀨流觴而紫紆遺石船於澗道呼白鶴於雲峯
釣嘉魚於龍沼倚東陽而西歷餐九節之蒲草樵人導余以冥
鑑琉璃之浩淼沿陽而西歷餐九節之蒲草樵人導余以冥
採排碧雲之瑤島羣巒翳翳其軫輻失陰陽之昏曉垂九布之沈
沈迴重隱而復跳厥高僧而據招賢開白日之杲杲試胡茗於
春陽波垂雲之淵湫凌縹緲而據招賢開白日之杲杲試胡茗於
星辰而北盼墮遺光於拾寶緇裘迂於黃苑休國寂之幽悄鳥
呼春於叢篁和雲韶之嚮嚮喚起促余之晨興落星河於簷棹
護花暖其驚飛怪遊人之太早攬卉木之如濯被晨暉而爭姣
靜鏡聲之剌啄幽人剔參蔭於冥杳碧雞鳴於青林鵲翻雲而
失皓隱抱藥於樛蘿挾提壺餅餌而翔繞鳳皇承孟冠以相遺
飲沆瀣之仙醪羞竹實以嬉朝集梧枝之媚媚嵐嵐欲雨而霏霏
鳴濕濕於薤藎躑躅三遊而轉青嶠拂天香於茫渺席沍潭以濯
纓浮挑鴻而揚綃綜斷而絡蔭飲猿猱之捷技晚斧柯而昇
大還望會仙於雲表憫子京之故宅款知微之碧桃條金光之
閃映曉異景於穹坳弄靈珠於赤水舞千尺之潛蛟并花塘而
峻極散香林之迴蹕撫浮屠之突兀泛五叙之翠濤襲珍芳於
絕巘曼金步之搖搖莎羅躑躅芬敷而燦耀幢玉女之妖嬌舉
龍鬚於靈寶墜鉢囊之飄飄開仙掌於嶽歔散清簪之迢迢披
白雲而躡崇壽見參錯之僧寮日既夕於嶽歔散清簪之迢迢披
宿南臺之明月虎夜嘯而熊咆鹿麋羣遊於左右若將侶幽人

之岑寥迥高寒其無寐間冰室之洞簫溪女歷晴龍而曝求襍
精荅之春苗邀予觴以玉液飲玉粒之瓊瑤溢辭余而遠去蜺
霞裾之飄飄復中峯而悵望或仙蹤之可招迺下見陵陽之蛻
蛻忽有感於子明之宿要逝余將遺世而獨立探石芝於層霄
雖長處於窮僻迺永離乎塵器彼蒼黎之緝糴固吾生之同胞
苟顛連之能濟吾豈靳於一毛矧狂氛之越獫狁王師局而奔勞
吾甯不欲請長纓於闕下快吾生之鬱陶願力微而任重懼覆
敗於或遭又出位以圖遠將無請於鰥鵠嗟有生之迫隘等滅
沒於風泡亦富貴其奚爲猶菌薺之一朝曠百世而興感蔽雄
桀於蓬蒿吾誠不能同草木而腐朽又何避乎羣喙之吹噓已
矣乎吾其鞭風霆而騎日月被九霞之翠袍搏鵬翼於溟渤釣
三山之巨鼇道崑崙而息駕聽王母之雲璈呼浮邱於子晉招
句曲之三茅長邀遊於碧落共太虛而逍遙亂曰蓬壺之藐藐
兮列仙之所逃兮九華之矯矯兮吾將於此巢兮匪塵心之足
攬兮念鞠育之劬勞兮苟初心之可紹兮願永矢而弗撓兮

靈巖山 青陽縣東七里又名妙峯名勝志九華深處有靈巖

山廣邃如堂可容數百人怪石羅列咸仙佛之像鍾乳懸空有

若幢蓋若瓶罍者

牛心山 青陽縣東七里宋齊邱墓在焉

龜山 青陽縣西南四十里山頂有泉曰靈源又名曰龜泉

殷家山 青陽縣城西隅縣治之來脈也

冠幘山 寰宇記在青陽縣西三十里北接九華層峯若冠幘之狀因名名山志九華真人峯北有山雙髻如巾幘然昔顧野王望而愛之因名冠幘峯

魚龍山 青陽縣南七十里深谷中有大小魚龍洞水分七流互相貫通多奇勝接石埭界

互詳石埭縣

龍池山 青陽縣東南七里

府志作十里

有石池不竭相傳有龍居

之下巖有二竇出泉曰三度曰潮泉可溉田宋令曹機築方塘構亭於上其嶺有石橋飛泉懸瀑最爲奇勝

楊嶺山 青陽縣東南三十里山甚險阻凡十八灣

黃嶼山 青陽縣東南五十里山高河深路瞰懸崖接涇縣界

仙隱山 青陽縣南二十里山西有隱公崖隱仙洞仙婆井卽今何村之源縣志唐永徽閒有仙女寓此故名

讀山

青陽縣東二十里

縣志作十里

有洞如垂鐸石皆青黛色宋

范仲淹讀書於此故名又東十里曰長山則文正幼孤寄養處也又東二十五里曰石龍山又東十五里曰峯山大有山

木瓜山

青陽縣東三十里木瓜鋪唐刺史杜牧禱雨處

附杜

牧祭木瓜山神文

惟神聰明格天能降雲雨郡有災旱必能救之前後刺史祈無不應去歲七月苗將萎死

禱神之際甘雨隨至稿然凶歲化爲豐年仰神之靈感神之德願祈祠宇以崇祭祀今易卑庫變爲華敞正位南面廟貌嚴整風雷雲雨師伯必備侍衛旗戟羅列森然惟神繫雲在襟貯雨在缶視人如子渴卽與之不容凶邪不降疾疫千萬年閒使池之人敬仰不怠會昌六年太歲丙寅月日

石峯山

銅陵縣東十五里石障如屏

銅井山

銅陵縣東二十里元和志銅井山在南陵縣西南八

十五里出銅

龍泉山 銅陵縣東三十里下有泉不竭

五松山 銅陵縣南四里輿地紀勝山在銅官西南舊有松一本五枝蒼鱗老榦青翠參天李白詩云我來五松下置酒窮躋攀徵古絕遺老因名五松山山下有寶雲院太白祠銅陵之名五松本此

鐵船山 銅陵縣南五里名勝志山首尾皆生鐵其形如船

銅官山 銅陵縣南十里唐地理志南陵縣後析置義安縣又廢義安置銅官治寰宇記唐置銅官場宋置利國監歲久銅乏場監俱廢按記無此文麓有惠泉流爲惠溪從礬港入江稍西有銅官渚唐文德元年楊行密襲宣州進兵銅官渚卽此一名利國

山

葉山 銅陵縣東郡國志形如卓筆上有蓮花峯靈寶諸勝唐葉法善修煉於此故名山陽有阿泉從懸瀑而下至葉廟伏流地中亦一奇境也葉山之東爲貴山有獅子峯百丈峯馬羣峯而獅子峯最奇特有噴珠泉其平脊有宋建清涼寺侍郎羅京故宅在焉

石耳山 銅陵縣南十里兩峯並峙一石高丈許有巨人蹟名真人峯

長龍山 銅陵縣南去大通鎮十餘里周四十里

馬仁山 一在銅陵縣南七里有仙人韜玉等峯又有望江石一在縣東北接南陵縣界

望江山 銅陵縣北三里路達萩港登之可望大江

天門山 銅陵縣西南四十里高聳雲表有天門泉續文獻通

考云泉流永城埭至荻港入江山下有晉天福中所建寺按五代時

池州屬楊吳南唐此疑誤朱嘉祐賜額梵天又西南有五峯山自天門山逶

迤而起五峯峻峭如指泉亦澄澈附唐李白天門山銘梁山博

楚濱夾據洪流實爲吳津兩山錯落如鯨張鱗惟海有若惟川

有神牛渚怪物日爲車輪光射島嶼氣凌星辰卷沙揚濤弱馬

殺人國泰呈瑞時語返珍開則九江納鵲頭山 銅陵縣北十里與大江西岸舒城之鵲尾渚相對江

中則鵲洲也元和郡縣志卽春秋時鵲岸六朝置鵲頭戍元嘉

之末武陵王駿自尋陽起兵討元凶劭軍於鵲頭今俗呼十里

長山有城狀鎮唐咸通六年置鵲頭鎮卽此

杏山 銅陵縣東三十里縣志作二十五里廣輿記晉葛洪種杏煉丹

處山素產土硃土人以爲丹礦也麓有花堰泉相近有石光山

夜常有光

管山 銅陵縣東四十里形類獅象諺曰青獅白象爲銅保障
有泉自石穴中出曰沸泉下通荻港

城山 銅陵縣東四十里四圍石壁峭立惟南一徑可通如城
門山頂平坦可數百畝中有一井遇陰晦則雲氣涌出

鳳皇山 銅陵縣東五十里縣志作六十一里世傳有鳳皇集其上石窟

有泉珠璣錯落名鳳飲泉宋太宗時賜道士趙自然觀久廢又
石埭縣南有山居中羣巒翼然亦名鳳皇山

金山 銅陵縣東南三十里有金牛洞南有鬬牛洞

陵陽山 石埭縣北五里山有三峯東峯屬太平中峯有丹臺
云竇子明得仙處旁有丹竈丹井皆其遺蹟郭景純詩陵陽宜

丹砂卽此

互詳甯國府

金城山 石埭縣西二里宋開福寺在焉山列寺旁宛若城郭

又西三里曰萬春山圓墩小阜巔巔如走珠松木蒼鬱

雨臺山 石埭縣西十五里山七十二折望之如蓮汎水舊名蓮花峯頂平如掌五代時西峯禪師卓錫於此建海獅菴一泉隨錫而涌名龍井亦名西峯井泉今禱雨輒應

魚龍山 石埭縣西三十里極峻聳有二洞大者洞口一池水紺碧色口內奇石各異狀其小者相去半里許北接青陽界

見互
青陽縣

七井山 石埭縣西與貴池接界

詳見前

儲山 石埭縣西四十里自龍巖過峽由卸甲嶺而來巍然高聳少南曰金竹山

壩山 石埭縣西七十里府志山有龍王洞亦名太白巖空洞可容數十人有石門石臺

城子山 石埭縣西九十里環繞如城前有紫潭府志卽古石
城縣治一在青陽與舊城相對故名

慈雲山 石埭縣西百三十里有慈雲洞深三四里石乳凝結
有石磬石板擊之有聲

雙塘山 石埭縣西百五十里亦名桑塘有泉淪茗數日不變
杉山 石埭縣西百六十里有待月螺髻等峯最高者曰鐘樓
尖唐李白讀書堂在焉有蓬萊第一洞洞口低狹漸入寬廣容
數百人山南有伏龍池

櫟山 霽宇記石埭縣西百六十里有櫟山高五里與祁門太
平接壤其山石壁峭削下有龍池大可百畝池右一石高丈許
直裂爲二中擎一丸又一石鏡縱橫二丈光明可鑑皆奇蹟也
江南通志一名歷山互詳
徽州府又東流別有歷山其並峙者曰峒山亦具泉石之勝

南安山 石埭縣南三里許

蘆山 石埭縣南十五里東連鳳皇山南接穰嶺巖深林密隱者多結廬於此其西曰駝山狀如負重

蓋山 石埭縣南三十里屹立河濱望之如蓋隋地理志涇有蓋山卽此今析置石埭又劉峻書蓋山之泉聞絃歌而赴節卽宣城志所云舒姑泉也

鳳城山 石埭縣西南三十里清流繞其左蓋山障其前玉几環其右中峯挺立兩阜相翼而下西南石崖下有船渡潭水深莫測

五溪山 石埭縣南百二十里上有五溪合流而下接黟縣界白象山 建德縣治北縣之主山也以形似名旁有蛻龍洞宋令梅堯臣建朝峯亭久廢後人更建梅公亭

雞鳴山 建德縣東二里其東有朝霞洞又東五里有迎春洞
高深如屋

博陽山 建德縣東十里縣志作東北十五里有滴水巖及鯉魚石蜂珠

石佛石

橫山 建德縣東三十里方正如屏山半有泉又有槐花洞廣
可數十步相近者爲畱山華蓋山

五龍山 建德縣東三十里五峯林立山半有石井名化龍池
深不可測

大羅山 建德縣東四十里最險峻東南有小羅山

鳴山 建德縣東五十里有泉從石閒暗度惟聞鏗鏘聲

永豐山 建德縣東南四十里有平地五尺許大雪不積相
近有石乳山泉出石頂可資灌溉又有石門山寔宇記縣東南

八十里雙峯聳峙望之如門

玉峯山 建德縣南半里絕頂有石光瑩如玉宋嚴華墓漢武帝石刻壽字勒於山半名壽字崖

南豐山 建德縣南三十里三峯並峙有兩泉合流曰南豐港藕山 建德縣南三十五里泉壑幽異

三面山 建德縣南四十里有石筍白如人面者三故名

梅山 建德縣西南十里巖壑頗勝宋時僧志南居之朱子訪至山中與倡和書普門二字刻於石壁因名普門嶺

龍潭山 建德縣西南二十五里上有龍潭

石印山 建德縣西北八里有石印嶺嶺下有洞壁有印文又下有石印池寰宇記印石在縣西北五里歷水岸石壁峭拔舊傳許旌陽逐蛟至此岸塌其塌處屹然成壁印石而去

北臺山 建德縣北二里平原突起爲縣水口

青山 建德縣北八里與石印并峙爲縣治捍門

花山 建德縣北二十里一峯插天可望大江

和山 建德縣北三十里下有洞洞中有泉

歷山 東流縣東三十里上有二池一久雨不盈一久旱不涸

有仙姑井寔宇記西枕歷池池上有堯舜二廟方輿紀要有

龍湫

舊按一統志歷山有二一在石埭縣西一在東流縣東在石埭者亦名櫟山

舜山 東流縣東三十里與石埭縣歷山相對

龍山 東流縣東四十里山岡起伏蜿蜒如龍通溝泉出此

葛仙山 東流縣東五十里相傳葛洪煉丹於此有香鑪峯極

勝

延壽山 東流縣東六十里懸崖壁立有泉噴流又東十里曰

列疊山

神山 東流縣西南一里瀕湖高僅百丈而曠遠無際今名拱北山

香山 東流縣南四十里疊障層巒有石巖泉洞之勝相近曰隱山一峯峭絕上有香山寺寺額乃昭明太子書

馬當山 東流縣西南七十里橫枕大江爲古今至險安慶之宿松彭蠡之九江皆以此山爲界今屬江西彭澤縣境

密峯山 東流縣北二十五里嶺有五峯

白雲山 東流縣東北七十里接貴池縣界有洞容數百人洞中有泉不竭

水車嶺 府西南六十里峭壁臨淵奔流衝激聲若桔槔唐李白詩所謂秋浦千重嶺水車嶺最奇是也

鹿運嶺 府城東三十里相傳有高僧盧公面壁於此鹿爲運水故名一名渰鹿嶺

清泉嶺 青陽縣西十里道旁一泉出石罅初名鮑泉繼名趙泉宋真德秀過此爲易名而銘之有淨洗五濁澡雪百疴之語大分流嶺 青陽縣東南四十里又小分流嶺在縣南四十五里

琉璃嶺 青陽縣南七十里與石埭縣接界

白沙嶺 青陽縣南七十里岸峻路窄旁多深谷

儀鳳嶺 銅陵縣東南十五里又東南曰瓦窰嶺瓦窰港出此清居嶺 銅陵縣東南六十里又東南十里曰橫山嶺與舊春穀縣接界

龍口嶺 銅陵縣南二十里有龍洞泉

穰嶺 石埭縣東南三十里接太平縣界有穰泉出此

芝嶺 石埭縣西南五里南通徽州浙江東連甯國太平爲衝要地

稠嶺 石埭縣西南八十里登陟峻險爲往來通道

鴻陵嶺 石埭縣西南一百里上有白羊崖

大洪嶺 石埭縣西一百三十里接徽州府祁門縣界

互詳徽州府

卸甲嶺 石埭縣西四十里相傳唐刺史查岳禦黃巢於此卸甲有仙人洞洞口甚小僅容一人石壁玲瓏直通嶺巔約里許處嶺 石埭縣西北五十里通建德縣

九鳳嶺 石埭縣北十五里東爲太平界西爲青陽界有九高阜騰騫而下故名

鳳皇嶺 石埭縣西南百二十里嶺下有三溪合流處有巨石

橫互如埭中一石四方平廣尤覺傑然下有石竇最深縣所由名也

高嶺 建德縣東十里相連有低嶺俱爲縣東通衢

石門嶺 建德縣東六十里相近又有沈阮嶺吳康嶺俱道通貴池縣

石柱嶺 建德縣東南五十里有石柱高數丈又十里曰良禾嶺路通徽州府祁門江西浮梁二縣

桃墅嶺 建德縣南八十里路通江西浮梁縣

松嶺 建德縣南九十里

龍塘嶺 建德縣西七里上有龍塘

又溪嶺 東流縣南五十里接建德縣界嶺勢橫互兩水交流其下產茶極佳又有陡嶺在縣東接貴池縣界鵲鳩嶺在縣西

南接江西彭澤縣界

仙女峯 建德縣南五十里一名望江峯爲縣境羣山祖

西峯巖 府南九十里石臺上有巨人蹟南爲西峯洞頂有龍池從石壁瀉水伏流地中至劉村口小澗仰噴而出

紫巖 府西南三十里有泉曰紫泉宋周必大錄云池陽三十里至紫巖產紙處卽此

鷹科巖 石埭縣西南一百五十里山石峻立可望而不可登
龍巖 石埭縣西五十里山多竹木八方空洞泉從中出西流曰西溪可溉田萬頃又數里有太極巖

獅石巖 建德縣東南四十里巖形如獅有泉不竭夏涼冬溫
又縣東七里有水簾巖俗名夫子巖梅堯臣有詩

石礪磯 銅陵縣北五里瀕大江有三石門水涸可出入容數

十人亦名五霞洞

羊山磯 銅陵縣西南三十里巉巖險峻溯流甚艱

祝家磯 東流縣北五里橫江激湍舟行甚險昔有祝姓者施纜於此以濟往來故名

吉陽磯 東流縣北三十里江濱唐天復三年楊行密將田頔以宣州叛行密召李神福自鄂州還軍擊之至吉陽磯擊敗其黨王壇

黃石磯 東流縣東北五十里濱大江方輿紀要旁有黃石港多黃土巨石相繚互明正德閒宸濠犯安慶泊舟於此問磯名以聲近王失機濠大惡之未幾果敗卽其地也

石埭 石埭縣西元和志在縣西北一百三十里有二橫石壅江如埭故名縣志有三巨石曰頭埭曰中埭曰三埭皆橫臥溪

中鎖連溪鴻陵溪管溪三水不通舟楫

古仙洞 府南六十里古仙峯下舊志云世傳此洞爲神仙窟宅中有石碁局鉦鼓在焉

白雲洞 青陽縣東二十里洞多怪石秉炬入遊竟日莫測其底

潮洞 石埭縣西北處嶺下其中有泉如潮汐洞口甚隘人不能入

大龍洞 建德縣東二十五里有泉穿山數里灌溉甚廣府志洞口峭壁上有葛仙亭

龍池洞 建德縣東四十五里良禾嶺下石室高敞有石池三懸瀑如疋練下注

迎春洞 建德縣東南七里高深如屋傍有兩石穴可秉燭入

名藏春洞

大江 自彭澤流入經東流縣西與安慶懷甯望江二縣接界至貴池銅陵與桐城無爲州分界又東入太平繁昌縣界宋史河渠志宣和六年前太平府判官盧宗原言池州大江乃上流綱運所經其東岸皆暗石多至二十餘處西岸沙洲廣二百餘里諺云折船灣言舟至此必毀折也今東岸有車軸河口沙地四百餘里若開通入杜陽使舟經平水徑出池口可避二百里風濤之險請速開修從之江中之洲曰蓮花曰閣簾曰白沙磯曰攔江曰羅刹曰黃龍曰劉婆共數十餘處銅陵縣志大江經曹韓白沙二洲之閒分爲二名曰夾河在縣西南二十餘里

通志大江在府北五里上自雁汊東流縣界下至大通鎮抵荻港入繁昌界一百八十里

古分江水

貴池縣西今涸漢書地理志丹陽郡石城分江水

首受江東至餘姚縣入海又會稽郡吳縣南江在南東入海水經注江水自石城分爲南江東與貴長池水合又東逕臨城縣合涇水又東與桐水合又東逕安吳縣又東旋溪水注之又東逕甯國縣南又東逕故漳縣南安吉縣北又東北爲長瀆歷湖口注於具區按隋唐後諸志無及分江水者近人因此詆孟堅道元之妄然言之鑿鑿必非無據今其道雖湮未可輕訾附載於此

李陽河 府西六十里源引大江以江流之消長爲盈縮一名李王河以李王二姓居其地也其西五里曰新河自河口出江有石槎枒橫突爲攔江羅刹二磯南唐周湛鑿支流以避其險謂之新河後磯勢頗安而支流漸侵齧民田正德中作隄障之羅刹磯在大江中其上有叢篠喬木明黃觀殉節於此

池口河 府西五里卽貴池水也唐以此名州古稱貴口亦稱
鱣口宋時始稱池口沈仲玉至貴口不敢進齊書云沈仲玉自
鱣口欲斷江李安民進軍破之胡三省通鑑注卽今之池州貴
池口也其源五一出石埭一出古源一出考溪一出石嶺一出
東源匯於秋浦由杜鵑入池口以達於江

清溪河 府東北九域志云池州貴池縣有清溪鎮其水源有
二一源出西南之考溪與常溪峽川之水交於白羊匯於江祖
潭是爲上清溪一源出縣南太樸山注於白沙河鰕湖東塘湖
合三水下流是爲下清溪東北五里入江

梅根河 府東四十五里其源有二一出九華由五溪折流於
五埠溝一出太樸山瀉於馬牙橋繞龍潭與五埠溝之水交於
雙河以入於江吳置冶於此謂之梅根冶宋有鑄錢監故又謂

之錢溪按宋書鄧琬傳陳慶至錢谿不敢越於梅根立砦據此似錢谿梅根雖一地而略相隔也

大通河 府東北六十里其源七自青陽者四自銅陵者三俱會於車橋河至大通鎮入江

黃湓河 貴池縣西九十里亦曰東河其源流二一出建德縣良禾隴沙嶺一出縣西南百二十餘里之西溪流經東流縣之雙河口與建德縣之後河合過張家灘又與貴池縣西南魯祖山之水會於沙山達黃湓口入江

五溪河 青陽縣西二十里源出九華山一曰溧溪出飲猿潭二曰淵溪出蓮花峯下三曰雙溪出上下華池四曰曹溪出鳳皇嶺五曰龍溪出龍池會於六泉口經五溪橋至梅根河入江臨城河 青陽縣南其源有五自分流嶺經峽山下會管埠河

又西北入貴池東界經銅陵大通鎮入江

博山河 青陽縣南七十里其源四會於陵陽鎮由琉璃嶺下入於石埭之舒溪

管埠河 青陽縣東北二十五里其源九會於石堰經木竹潭與東河諸水合流於大通河

橫橋河 青陽縣西北其源有二分流至峽山入臨城河

三溪河 青陽縣南其源有四會於縣南六十里曰三溪口兩山夾水峭立路出山下最爲險要

七溪河 青陽縣南其源有二會七溪嶺下入石埭縣柳家梁天門河 銅陵縣南四十里源出天門山石竅中西流入大通河續文獻通考襟帶數里灌漑民田至荻港入江

車橋河 銅陵縣南三十里源自伏牛山西流會大通河入江

礬港河 銅陵縣南源自銅官山麓惠泉三里西流入江相傳昔人采礬於此故名

河口河 銅陵縣治南會諸溪澗之水流入大江

銅陵河 銅陵縣西北七里其源三會於橫塘牖入市後湖達於江

鳳心牖河 銅陵縣東十五里有二源一受東湖水一受西湖水並會於鳳心牖蜿蜒四十餘里達荻港入江明嘉靖中因立東西二石牖於此

荻港河 銅陵縣北八十里源出朱村會各鄉之水至北下社入江

順安河 銅陵縣東三十里源出縣東胡城曰胡城澗由三港口出荻港入江又黃澚河在縣東北六十里源出甯國府南陵

縣西流合於荻港入江

饒河 建德縣南九十里一名龍口河其源三匯於昭潭合於饒河池入饒州之獨山湖西達彭口入於江

前河 建德縣南有三源總匯於步頭灣過縣南十五里百步灘潞爲官池歷縣南二里堯城渡亦名堯城溪又合茹蘭溪匯石印池入東流縣界爲江口河至縣七里入江

後河 建德縣北源出石埭縣東石門嶺亦名石門溪亦曰南河西北流至雙河口與貴池縣之西溪水合繞和山入東流縣界又至貴池縣黃湓口入江

香口河 東流縣南六十里源二一出彭澤山林港一出陳蒼原交於三汊繞查池爲香口河入江又縣南一里有江口河黃湓湖 府西北九十里湖口通江多魚舊設河泊所

南門湖 東流縣南門外明萬厯初知縣陳春開濬引江艘達於南門又有團湖合建德諸水循江口河入江

黃金湖 東流縣南相近爲白羊湖聚縣東南境之水由縣西南入江

大清湖 東流縣東北四十餘里澄澈如鑑流至黃湓入江

查冊湖 建德縣北十五里流爲查冊港相近又有楊潭湖黃

泥湖

龍王湖 建德縣北三十五里相近爲泉水湖

仙人湖 建德縣北四十里俗謠爲鮮魚湖

二十四湖 青陽縣東北二十里夏秋潮漲汪洋千頃冬春則

涸連芑平野舊屬大通河泊所

天井湖 銅陵縣東門外湖心有井冬夏不竭引流爲河口河

東西二湖 銅陵縣東十里約廣數十萬畝而東湖尤勝

棲鳳湖 銅陵縣東南十五里源出儀鳳嶺下流通鳳心牖

蓉溪 青陽縣南五里其源六會於臨城河

舒溪 石埭縣南續文獻通考謂之旋溪寶子明垂釣處後以

舒氏三女學仙溪上化去聞絃歌聲則溪有雙鯉出故名舒溪

又名舒姑溪劉孝標所謂蓋山之泉聞絃歌而赴節也溪源一

出太平縣之絃歌鄉

互詳甯國府

一出縣之舒泉鄉經城南合余溪

嶽溪諸水下涇縣至蕪湖入江溪中有輓轡石在城南五十步

許其水激石旋轉有聲卽有賢士出

余溪 石埭縣南源出蓋山下入舒溪又五溪源出縣西南五

溪山五水合流而下由余溪入舒溪又舩溪在縣西南九十里

源出石門嶺下入舒溪

嶽溪 石埭縣西源出青陽縣九華諸山流經博山入縣界經金城山西又東南至縣南入舒溪

前溪 石埭縣南其源有三合流至縣南入舒溪又後溪在縣北其源有二環繞縣後入舒溪

連溪 石埭縣西南八十里其源二一出大字院一出石門院合鴻陵溪管溪經石埭達貴池之池口

連字本從玉旁避避作連

貢溪 石埭縣西南九十里經杉山西流入貴池之秋浦

曹溪 石埭縣西南百二十里源出鳳皇嶺西流爲五溪之一

管溪 石埭縣西百七十里源出櫟山東北流三里至管口合流入石埭鄉與大洪嶺水合流縣志溪流八十里併合貴溪出石埭入貴池縣歷龍舒河卽池口河之東源也

茹蘭溪 建德縣東南城下其源出迎春朝霞兩洞西流入堯

城溪春夏水溢可通舟楫

抄溪 建德縣南三十里源出江西彭澤縣界入於前河

玉鏡潭 府西南七十里江祖潭下數里許

上下雲潭 從九華山翠蓋峯發源飛流激石而下上潭有三
汲亭下潭有雪浪亭俱廢中流一石名釣臺其旁瓔珞亭如流
蘇也

雪潭 石埭縣西五里石壁山下長廣數畝而深不可測俗傳
源通大江

陵陽潭 石埭縣迎賓門外泉源淵深澄碧可挹相傳寶子明
放白龍於此

秋浦 府西南七十里舊唐書志隋置秋浦縣因水爲名江南
通志長八十餘里闊三十里四時景物宛若瀟湘洞庭李白愛

其勝屢見歌詠

羅刹洲 貴池縣西六十里亦曰羅刹磯寰宇記貴池縣有大孤石生於江中俗謂之羅刹洲舟行上下爲之險艱宋史地理志安慶府端平三年移治羅刹洲

楊葉洲 寰宇記楊葉洲在貴池縣西北二十里大江中長五里闊三里如楊葉

丁家洲 銅陵縣東北十五里宋德祐初賈似道師次蕪湖使孫虎臣爲先鋒軍於丁家洲

浮桃園 青陽縣碧桃巖下懸水西南趙知微植桃千株鄉人因以致富

上下華池 青陽縣九華山與雲峯山兩山合而成流上華池卽龍池下華池下注逆上激水最奇亦產異茗

龍池 九華山絕頂其上爲五龍灣每一灣爲一池注下爲千尺泉龍所宅也旱禱輒應復注下爲弄珠潭出伏龍橋北流爲五溪之一

嘉魚池 九華山雲峯龍遊澗下池中有石臺竇子明李化文垂釣處其水深三四尺峻壁四合上有二水湊爲垂瀑中多異魚

老龍池 石埭縣大宇阮左右夾以峭壁人迹罕至禱雨時架木而上秉燭從石竇入四五里許以綆繫抵池取水水得卽雲雨隨之

黃鶴池 石埭縣陵陽山中相傳竇子明於此跨鶴昇仙

北柵池 建德縣北四里流爲北柵溪又硯田池在縣北五里蒼埠池在縣西北一十八里

東阮泉 府西百里毛嶺北發源僅濫觴流出漸大東注玉鏡潭隨地作堰一十五所

眞珠泉 青陽縣東三十里泉出累累如珠

聖泉 青陽縣西南四十里魁山下冬夏不竭民田賴以灌溉下流爲縞溪

六泉 青陽縣南五溪山南出石罅中沸出俗呼爲六泉口愈旱愈溢民田賴之

雙泉 青陽縣東南七里龍安山西二泉相去咫尺宋曹機嘗鑿方池建亭其上

梵天泉 銅陵縣東南三十里梵天寺左由石洲涌出溉田可百餘頃

漱玉灘 青陽縣雙石巖東漱石琮琤聲如戛玉宋陳巖有水

石相逢驟作聲鏗然律呂自天成之句

白笥陂 府西南二十五里唐處士鞏疇棲隱處

包公井 府治內相傳宋太守包拯所浚

仙姑井 建德縣北二十五里歷山下俗傳觀者呼仙女則水
花涌出